



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Svmma Bvllarii Earvmve Svmmorvm Pontificvm
Constitvtionvm Qvae Ad Commvnem Ecclesiae Vsvm post
volumina Iuris Canonici, vsq[ue] ad Sanctissimum D. N.
D. Pavlvn Papam V. emanarunt**

Quaranta, Stefano

Venetiis, 1619

Apostolorum limina.

urn:nbn:de:hbz:466:1-10793

Quodque ad illos sententias, & penas huiusmodi damnabiliter incurrisse legitime probandum, & omnino convincendum sola Principum ipsorum litera vel preces etiam per suos apud Sedem predictam Oratores verbotenus porrecte plenam, indubiam, & sufficientem in iudicio, & extra fidem faciant, nec ad id alterius probationis adminiculum requiratur. Ac decernentes ita per quoscunque iudices & Commissarios etiam Sancte Romanae Ecclesie, Cardinales, sublata eis quavis aliter iudicandi, & interpretandi facultate iudicari, & diffiniri debere. Nec non ea nunc in ritum, & inane quicquid secus super his a quoquam quavis auctoritate scienter, vel ignoranter contigerit attentari. Ne quis autem inhibitionis, & statuti predictorum ignorantia pretendere valeat, volumus presentes literas in Basilica eiusdem Principis Apostolorum de urbe, & Cancellaria Apostolica valuis per aliquem ex Cursoribus nostris earum exemplum ibi affigendo, & dimittendo publicari, publicationemque & affixionem huiusmodi singulos, & post duos menses immediate sequentes non secus afficere, ligare, & perinde ac stare, ac si litere ipse personaliter illis intimatae fuissent.

Contra proiustos de cathedralibus, & monasterijs, Nunciatoribus dantes, vide constitutionem Greg. XI. relatam infra in verbo electio.

A P O S T A T A .

PRETER Caietan. & Summistas in hoc verbo sciendum est. Constitutionem Pauli IV. contra Apostatas a religione Pium 4. reuocasse, & ad terminos iuris reduxisse, vt in Bullario, fol. 654. incip. Sedis Apostolica. adeo quod hodie attenditur dispositio iuris communis prout habetur in c. pen. & fin. de apost. in c. si de regular. & in c. 2. ne cler. vel monac. in 6. De huiusmodi Apost. item & de legitime a religione expulsis, nouissime & copiose scripsit Eman. Roder. tom. 1. quest. regu. q. 30. per totam. quibus quomodo ex Nauarri sententia sit consulendum, vide ipsum in conf. 75. de regular. in nou. An autem regularis, qui ob timorem iustitie propter aliquod crimen ab eo perpetratum ne capiatur, & puniatur a suo superiore, deserens tamen habitum regularem sed coopertum, alio habitu publice superindutus in cedens sit Apostata censendus? Respondeo, quod cum casus Venetijs accidisset, fuit pro tali diiudicatus, & punitus, referente Thoma Trinisano lib. 2. decis. 19. tu quia deserere habitum regularem est de essentia religionis & gestare illum coopertum, perinde est, ac si non ferret cum non videatur, tum quia predictus timor, cum sit respectu pena benemerita, non dicitur excusabilis, & iustus, quinimmo punibilis. Et an ex sola habitus regularis dimissione, etiam quod non aliter constaret de animo deserendi religionem, apostasia crimen incurratur, videndus est Achil. de Graf. decis. unica, sub tit. de apostatis.

APOSTOLORVM LIMINA.

TENENTVR episcopi visitare limina Apostolorum c. iuxta. 93. distin. cap. ego. de iure iur. habetur in Pont. Rom. de forma iuramenti electi in episcopu, & de Pallio. & statuit Sanctus Greg. magnus vt legitur in Breviario Rom. die 12. Martij. Sixtus V. constitutionem edidit de visitandis liminibus Apostolorum publicatam Romae die 20. Decembris 1585. incip. Romanus Pontifex, & infra. fol. 45.

Cogru-
it rit.
de iure
iuran.
sex de
maio.
& obe-
dien.

Hac

Hac perpetua Constitutione sancimus, decernimus, & mandamus ut omnes Patriarcha, Primates, Archiepiscopi, episcopi per vniuersum orbem terrarum constituti a nobis deinceps ordinandi etiam si Cardinalatus honore praesulgeant, antequam munus consecrationis suscipiant seu eis consecratis Pallium de B. Petri corpore sumptum tradatur, aut si ad aliam ecclesiam transferatur, antequam illius regimini, & administrationi se immisceant, si quidem praesentes in curia fuerint in manibus S. R. E. Diaconi Cardinalis ordine prioris si vero absentes in manibus Antistitis qui ad impendendum manus praedictum, aut ad tradendum Pallium huiusmodi a Sede Apostolica delegabitur, iurent iuxta formulam in libro Cancellariae Apostolicae Quinterno Appellato, nuper descriptum, se Beatissimorum Apostolorum Petri, & Pauli limina statutis in hac nostra Constitutione temporibus persona liter ac per seipso visitaturos, ac nobis, & successoribus nostris pro tempore existentibus Romanis Pontificibus rationem reddituros de toto eorum pastoralis officio deque rebus omnibus ad ipsarum quibus praesunt ecclesiarum statum, ad cleri & populi disciplinam, animarum denique quae illorum fidei credita sunt salutem, quouis modo pertinentibus, & vicissim mandata Apostolica humiliter recepturos, & quam diligentissime exequenturos.

Quod si legitimo impedimento detenti fuerint iurent se praedicta omnia adimpleturos per certum nuncium ad illa speciale mandatum habentem de gremio suorum Capitulum, aut alium in dignitate ecclesiastica constitutum, seu alias personarum habentem, aut si huiusmodi hominem ecclesiastica dignitate, & personatu praeditum non habeant per diocesannum sacerdotem, & si clero careant omnino per aliquem alium presbyterum saecularem, vel regularem spectata probitate, & religionis de supra praedictis omnibus plene instructum. De huiusmodi autem impedimento docere debeant per legitimas probationes ad dictum primum Diaconum Cardinalem per supra praedictum nuncium transmittendas.

Quin etiam principes temporales, si quid pro eorum pietate, & erga hanc Apostolicam Sedem obseruantia Rom. Pont. voluerint significare, eosdem siue episcopos siue alios qui ab eis mittentur fidos habebunt nuncios, ac relatores, quorum opera ab eadem sede pro illorum dominis Ditionibus, & rebus firmandis ac stabilendis, & cum Dei & Sanctae Religionis causa sine qua tuto consistere haud possint coniungendis opportuna sincera charitatis officia, consilia, atque subsidia expectare certo poterunt.

Ad hoc autem debitum visitationis officium commode explendum supra praedicti omnes Patriarcha, Primates, Archiepiscopi & Episcopi Itali videlicet, vel ex Italicis insulis, vnde in Italiam commodius traici potest, veluti Siculi Sardi, Corsi, & alij adiacentium Prouinciarum Italiae ac etiam Dalmatiae, & Graecarum, qua e regione ipsis Italiae & Siciliae oris sunt tertio anno Germani vero Galli, Hispani, Belgae Bohemi, Vngari, Poloni, Angli, Scoti, Iberni, & ceteri omnes qui in Europa sunt citra mare Germanicum, & Balticum, ac omnium Insularum Maris Mediterranei quarto anno, & qui intra Europa fines sunt his prouincijs remotiores; ac etiam Africani littoribus nostris aduersi, ac insularum Maris Oceani Septentrionalis, & Occidentalis Europae, & Africae citra continentem noui orbis tam qui nunc sunt quam qui ad Catholicam fidem per misericordiam Dei aliquando redierint V. anno. Asiatici vero & qui extra Asiam, & in alijs nouis terris Orientalibus Meridionalibus Occidentalibus, & Septentrionalibus, tam in insulis, quam in continentibus, & denique in quibuslibet, Mundi partibus decimo anno iter suscipiant, & Deo concedente perficiant, idemque institutum tertio quoque quinto & decimo anno repetant & obseruent.

uent. Hac autem annorum spacia a tempore suscepti muneris consecrationis, vel palij traditionis, aut translationis vt presertur incipiant. Quæ ne longius differatur, Volumus quod tempus qualecumque excursum alicui ex supradictis presulibus qui siue morte præuentus siue alia quacumq; de causa ob non finitum tempus ei præscriptum dicta limina non visitauerit, ita illiut successori effluxisse, & excurrisse, intelligatur vt termino ipso iuxta prædecessoris sui insiurandum completo, debitam tunc visitationem quam primum conficere teneatur.

Hi vero ex supradictis Antistitibus qui hætenus ab hac Sancta sede ordinati sunt, aut dictum palium ab ea susceperunt, aut ad aliam ecclesiam translati sunt prout cuique distantia locorum, & temporum interualla prescripta sunt ad supradicta omnia obseruanda a die publicationis presentis Constitutionis omnino teneantur.

Iubemus igitur in virtute sanctæ obedientiæ supradictis omnibus antistitib. præsentibus & futuris, vt visitationem prædictam sibi suisque ecclesiis adeo vtilem ac necessariam iuxta præscriptam formulam omnino conficiant. Si vero quod absit, non egerint, eos ab ingressu ecclesiæ, ac etiam ab administratione tam spiritualium quam temporalium, nec non a perceptione fructuum suarum ecclesiarum, a capitulis eorum omni exceptione, & mora cessante interim iuberè exigendorum, & in opus fabricæ, seu ornamentorum ecclesiæ emptionem prout maior exegerit necessitas insumendorum ipso facto tãdiu suspensos esse volumus donec a contumacia resipiscen-tes relaxationem suspensionis huiusmodi a sede prædicta meruerint obtinere. Non obstantibus, &c.

ARCHIEPISCOPI AVCTORITAS.

- 1 Archiepiscopus in quo differat ab Episcopo.
- 2 Iurisdictio Archiepiscopi varijs nominibus in iure exprimitur.
- 3 Archiepiscopi auctoritas olim in electione, confirmatione, & consecratione Episcoporum, & exactione iuramenti.
- 4 Ad consecrationem Metropolitanam, & suffraganei comprovinciales Episcopi accedere tenentur.
- 5 Suffraganeus non consecratus a Metropolitano quid prima vice facere debeat.
- 6 Archiepiscopus est pater & Episcopus animarum, suffraganeorum, & de dilectione, obedientia, & reuerentia erga eum.
- 7 Episcopus extra suam diæcesim quem possit sibi eligere confessarium.
- 8 Archiepiscopus potest proferre censuras contra Episcopum.
- 9 Episcopus coadiutor quænam possit exercere.
- 10 Archiepiscopus an sit iudex ordinarius suffraganeorum.
- 11 Vicarij suffraganeorum an subsint immediate Archiepiscopo.
- 12 In casibus tantum in iure expressis Archiepiscopus habet iurisditionem.

Archiepiscopi auctoritas. Præter Summistas in hoc verbo sciendum est Greg. XIII. crexisse Ecclesiam Bononien. in Metropolim, & Archiepiscopatu f. 1220. in Bullar. incip.

Cõgru-
it ri. de
præb.
& di-
gnita-
tibus.

Gre-